



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1514. usque ad annum 1520

**Fleury, Claude**

**August. Vind. [u.a.], 1769**

**VD18 90118464**

§. 53. Saxoniae Elector præsidium Luthero a se præstitum excusat

---

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

## §. LIII.

Sæcul. XVI.  
A.C. 1520.*Saxoniae Elector præsidium Luthero  
a se præstitum excusat.*

Tam crebræ, quibus Lutherus petebatur, accusationes tandem etiam Romæ ejus fidem suspectam reddebant, indeque omnes, qui eum protegere credebantur, offensionem incurrebant. Hos inter, cum præcipuus esset Elector Saxoniae, qui aliunde Romani Pontificis gratia indigebat, impensum Luthero patrocinium, cujus postulatus est, excusare cogebatur. Ergo die prima Aprilis Valentino Deitleben Procuratori suo datis literis negotium dabat, ut summo Pontifici hæc significaret, quod nunquam Lutherum defendisset, nec doctrinæ ac librorum ejus patrocinium in se suscepisset, cum ejusmodi causæ ipsius fori non essent: equidem prosequitur Elector, hic Monachus cum applausu Doctorum prædicavit, ac palam docuit, comparuit etiam coram Papæ Deputatis, necnon revocationem scripto promisit, si ex S. Literis errorum convinci posset; præter hanc submissionem ab eo quid amplius jure exigi possit, haud video, nihilominus ex Saxonia excedere paratus fuisset, nisi illum Miltizius Nuncius Apostolicus detinuisset: hinc spero, quod ex his coram Sancti-

Sleidan. in  
comm. l. 2.  
p. 51. & 60.

Sæcul. XVI.  
A. C. 1520.

Sanctitate sua impactum patrocinii crimen satis superque diluerim, proin obstacula, quæ Romanam causæ meæ decisionem retardabant, submoverim: de cetero jamjam datis ad Gregorium Cardinalem literis contestatus sum, quantum alienus sim ab illis erroribus, quorum liberam in ditone mea prædicationem indulgisse accusor, Lutherus autem ab Eckio, aliisque vehementius, quam par erat, exagitatus fuit, unde timendum, ne ejusmodi altercationes graviora provocent mala, nullum vero superfit remedium, quam ut ejus doctrina per valida argumenta, ac claros Sacri Codicis textus erroris convinceretur, non vero tempus fallendum esse puto censuris; eas enim nonnisi graves in Germania tumultus non sine Pontificis dispendio suscitaturas prævideo.

## §. LIV.

*Lutherus ab Augustinianorum capitulo sese submittere jussus.*

*Pallavicin.*  
*hist Conc.*

*Trid. l. i c. 14*

Cum interea Elector ita pro Luthero peroraret, Miltizius Sedis Apostolicus Nuncius FF. Eremitarum S. Augustini comitia, quæ tum in Saxonia celebrabantur, accessit, rogans, ut congregati Patres Lutherum ad obedientiam auctoritate sua compellerent. Ergo illi quan-  
tocius